




内閣文庫	
和書類	二八〇三六號
一八冊	二〇六函

内閣文庫	
番號	和 28036
冊數	18 (1)
函號	206 13

206-13



原本の文字など不明瞭な箇所があり

首

祖徠先生集序

明治十四年獻本



祖徠先生集將梓行焉其
門人告曰刻成請公序之
忠統曰不辭非道辭亦非
道也今夫追憶往昔先生
於我不以我不才以為可

祖徠集

序

教昔嘗我之所為苟有可
取則欣然極口曰開元天
寶之氣格漢文辭勸一勵
百蓋亦進之也若或不然
則亦循循焉不倦唯恐其
退博我約我無所不至其

教育如此其切親睦如此
其厚而猶不能啓發焉至
今業之不成我之罪爾今
使我為之序辟如以駑蹇
之駒啓行千里力已不達
不達不明夫明者文之德

也達者文之用也用德不
備將如之何且此不朽太
事不可不慎苟知其不備
僭以為之寧不愧於心哉
此余所以辭焉也門人曰
不然先生恆以公為吾黨

冠飾况乃公之篤好斯文
至今不衰亦非其遺志乎
迺公何辭焉詩云經之營
之不日成之公何辭焉余
謂先生已以文學振名天
下則受業諸子已大鳴之

今此集行也我才不才固
 無益損於先生之德且觀
 此集先生平日切厚於我
 之言具存焉則辭亦非道
 也於是獨言我雖不才至
 于先生之教於今不敢自

棄以為之序元文改元之
 夏滕忠統撰



金石錄







且來集

序

四

烏石源君嶽書



Faint bleed-through text from the reverse side of the page, including characters like '夏' and '集'.

徂徠集總目錄

卷之一

風雅一首百十八首

擬古樂府十四首

卷四言古一首

五言古十首

七言古三十一首

計五十七首

卷之二

五言律百二十四首

五言排律十首

卷之三

七言律八十一首

卷之四

七言排律一首

卷七言律五十七首

七言排律一首

律計三首
七十四首

五言絕句二十九首

卷之五

七言絕句百十六首

正言排律十首

卷之六

七言絕句八十七首

卷之七

七言絕句百十八首

計三百五十五首
面計六百四十一首

卷之八

序十一首

卷之九

序十二首

卷之十

序十首

頌言四首

卷之十一

序七首

卷之十二

論一首

紀事三首

卷之十三

卷記十二首

卷之十四

贊九首

碑誌九首

卷之十五

紀行三首

卷之十六

說十三首

卷之十七

雜文十三首

卷之十八

銘五首

碑誌三首

贈言四首

雜文八首

跋十四首

卷之十九

題言五首

卷之二十一

書牘四十一首

卷之二十二

書牘五十三首

卷之二十三

書牘四十八首

卷之二十三

卷書牘十首

卷之二十四八首

卷書牘十五首

卷之二十五二首

卷書牘二十三首

卷之二十六一首

卷書牘十二首

卷之二十七

卷書牘十八首

卷之二十八

書牘八首

卷之二十九

書牘二十五首

卷之三十

書牘三十一首

補遺

擬古樂府一首

七言律五首


五言絕句三首

七言絕句十首

祖徠集

目錄

祖徠集總目錄終



祖徠集卷之一

物茂卿著


詩

風雅一首

斗之魁

有序

屈君君燕既造予。求和魁星詩。予謝不敏。不可具言其大孺人所囑乃在予也。既已下世。無所復命。因泣簌簌下弗已。予識其孝也。屈在洛為名家。自其曾祖杏庵先生受經于欽。夫滕公四世于今。箕裘百年。弗墜其緒。書香



祖徠集

卷之一

馥郁吁亦盛矣。予幼聞杏庵先生于先大夫。迨見君燕温恭謙抑一如所聞。何其流風餘韻猶尚弗渝。乃爾聞大孺人明詩閑禮。旁通女史。意者內助所致。弦誦弗衰。世濟其賢。可以知己。魁星象乃其家古物。大孺人崇奉之有年。自謂家世文學之祥矣。徧丐諸名勝詩之。夫婦人佞佛。此方殊甚。彌陀觀音。家家而塑。是能識魁星爲何物哉。乃大孺人能識之。且其父家世所稱河村氏者。以豪富名海內。乃洗習紈袴。折節讀書。其在大孺人。足爲賢

己。大孺人既已下世。唯其所崇奉在焉。是在君燕羹墻之思。其謂之何。昔者大孺人在堂。今也在天。魁星在天。今尚在其堂。我悲君燕之心矣。予之不能固卻其請也。作斗之魁四章以貽之。

斗之魁煌煌。其旋有常。母也在天。維我心之彷徨。
斗之魁建兮。于輟我讀。有母之訓兮。俾我不能息兮。
斗之魁建兮。夜旣曙兮。于牽我車。趨其君所。
弗墜其業。弗痠其仕。母邪魁邪。于我何有哉。

斗之魁四章章四句

擬古樂府十四首

悲歌

晚食可以當肉。徐步可以當車。優游若斯。為何不娛。欲鼓瑟無絃。欲吹笙無簧。心中有所思。悲歌祇自傷。

前緩聲歌

海中之山。必有不死之草。佩之不病。嗅之不老。自非仙人王子喬。求之安可到。當復思東海之水。必有西激之波。縱使可往。安有事於峩舸。長笛唱短笛。和願君飲美酒。且聽歌。

烏生八九子

烏生八九子。端坐秦家桂樹枝。惜我秦氏家有美麗好女。工用雙孔針。五色絲。持針為人刺嫁衣。仰視烏嘆咨。惜我顏色。即醜勝汝姿。汝飛任意遊。邀求妃阿母。生阿女時。欲與貴人奇此女。惜我貴人。安知阿女處。閨房窈窕。安從通。青雀乃在崑崙玄圃中。漢天子尚復得媒介之。惜我簫史仙。仙雲霄間。弄玉尚復得追隨之。神君乃在竹宮帷帳中。阿母尚得神君語。惜我人民生。各各有歡娛。愁苦何須計。較早暮。

安東平 五首

淒淒涼涼。白露為霜。行者不住。居者悲傷。

吳中春酒旨甘芬冽。我有一石。為郎作別。
土產物微。儂翁所釀。餘有三斗。為郎別醬。
青綠金尊。以奉故友。不持作好。與郎為壽。
東平劉生。太解人情。與郎對酌。冀以延齡。

關山月 二首

萬里關山月。不謂似故鄉。故鄉空閨女。獨夜織流黃。
如何機中影。一似塞上霜。
中閨夜夜月。不須照妾顏。顏色看已改。妾夫殊未還。
願將妾心去。憑君照關山。

有所思

冉冉白日徂。坐看庭草滋。朔風吹我裳。嘆息歲暮時。
人生自有老。老至亦何悲。富貴儻爾來。榮名非可持。
置酒高堂上。聊以娛佳期。秦箏間胡笳。嘈雜侑我卮。
酒酣淚如霰。君子有所思。良朋滿四坐。此悲少人知。

當窻織

窈窕當窻織。愴然聽嘆息。窻前楊柳樹。君子所手植。
春風吹成絲。行復何底極。

春江花月夜

人道春江好。春江况月明。林花岸上發。仙桂波中生。
搖動花兼月。影香清且輕。初疑美人面。照見髻花橫。

又訝嫦娥鏡。冶容誰為情。竹簾晨微啓。百媚艷盈盈。
 江月看將上。江潮漸已平。江樹轉璀璨。繚亂雨瓊英。
 昔聞月中桂。託根白玉京。縹緲飛仙藥。落水寂無聲。
 依稀漢浦女。羅韞波上行。解佩珠徑寸。光彩令人驚。
 今我非交甫。惆悵岸雞鳴。江月忽不見。江花無常榮。
 唯有江潮水。依舊繞江城。

昭君怨出於陳後主卑齒不可擬矣

男子事遠征。異方使人悲。而况漢家女。嫁為單于妻。
 寢處穹廬中。漣酪匪所宜。解髻辮其髮。蒙以貂狗皮。
 閼氏雖云貴。寧有昔日姿。嫫侍雖云衆。人面而獸嘶。

胡笳來相慰。嘈嘈曷所知。皚皚陰山麓。冥冥瀚海湄。
 故鄉不可望。浮雲邈相依。忽眺鴻雁起。中心安能持。
 愁生為異類。徒死竟為誰。矢我冢上草。庶以表心期。

四言古一首

猗蘭勝侯將戍洛陽城臨發置酒分十二體

侯將西征。駕言逡巡。置酒中堂。大會衆賓。九醞泠泠。
 百壺吐芬。野魚玄羽。澤臞頰鱗。爵觥相屬。匏竹雜陳。
 侯迺鼓瑟。流眄高旻。影習白雪。窈眇陽春。含宮調角。
 和者七人。上薄建安。嘉萬胡倫。漆翰興文。一何紛員。
 侯其奚往。清洛之濱。崇城南屹。材官如雲。豈無風流。

帝里在鄰。豈乏晤言。簪纓待臣。知音者稀。落落孰親。為之忼慨。悲歌激塵。滄海忽湧。白日欲淪。侯其往哉。前車粼粼。千里匪遠。暮月維新。珍重加餐。及瓜之辰。五言古十首

擬公燕詩二首

青陽蕩和氣。好鳥嚶其鳴。公子有所思。置酒會友生。尊壘湛且美。嘉肴紛從橫。座中多貴客。隨風飛羅纓。摘詞何翩翩。藻思逐翰生。宴酣出歌者。皓齒發清聲。舞袖綺以繁。餘姿一含情。絃管相間作。鏘鏘和竽笙。為樂正如此。羽觴行無停。華燈繼白日。庶以及芬芳。

明月揚素暉。臨此西掖垣。綺樹鬱相樛。枝柯一何鮮。蒼蒼發朱華。紛披映文漣。輕焱起中流。方舟且留連。飛蓋集高堂。張燈照長筵。主人不知疲。座客盡豪賢。言論間善謔。行括屬雄篇。各有金石響。歌之被管絃。激烈令人悲。颯沓答潺湲。為此長嘆息。嘉會古所難。努力副盛德。不醉永無旋。

古風二首送琴鶴丹戾之國

常山何嵯峨。白雲何盤桓。俄爾盈山谷。皎若素與紈。徘徊如有意。乘風去復還。仙人王子喬。相逢何迺難。使君走馬去。顧我喟以歎。歲月不我與。孰能保紅顏。

臥閣山之麓。拄笏望其巔。縹緲發玉笙。坐令白日寒。
一夜泣仙靈。三年來鳳鸞。我病不能從。涕淚空汎瀾。
常山何巖巖。松柏何青青。鬱鬱千年物。其下有茯苓。
皎瑩若凝脂。宛成白兔形。使君有仙骨。獲之可長生。
迺駕山上雲。飄游帝之庭。玉女粲以視。揖君酌九醞。
大張鈞天樂。笙管何泠泠。群仙醉相藉。三年不得醒。
能偷發金籙。爲我問歲星。一謫苦爲爾。何以歸玉京。
贈吉臣哉從府主協衛駿陽城十四韻

媚哉芙蓉色。娛余千里目。悠然迺西顧。揚觶歌自屬。
白雪一何鮮。白雲一何縟。羨爾忽行邁。振策指其麓。
豈無同行士。千騎道路側。繡弧間畫矛。煌煌耀南服。
子獨慕名山。富貴非所欲。雖有簿書絆。心曠不成束。
時了案牘暇。憑高一寓矚。仙掌如見招。玉女粲曼睽。
爾欲往從之。豈無飛黃鵠。石髓倘或逢。永辭世氛濁。
憐我平生好。每飯在鉅鹿。憑君泚綵筆。題名列仙籙。
古風五解送縣次公還鄉

遠道三千里。所歷鬱糾紛。名山與大澤。況復出白雲。
白雲巧虧蔽。何以能望君。一解君行從五馬。道路有
輝光。君歸還鄉里。妻孥樂一堂。君行誠不惡。居者徒
悲傷。二解我無黃鵠翼。安能從君游。君馬嘶西風。徘

徊不能留。人生都如此。誰抱千秋憂。三解去矣策君馬。北上岐嶒巔。回顧中原色。芙蓉高燭天。是我送君意。皎皎遙為懸。四解艤舟廣陵渚。君亦援瑤琴。聽濤寫妙散。微我孰知音。贈我非此物。何以慰我心。五解

七言古三十一首

浪淘沙詞

青樓十二是儂家。下瞰大江浪淘沙。淘去郎恩海還淺。淘來郎恩山更加。淘去淘來無定處。誰知儂意亂如麻。

邊馬有歸心

烽火夜連碣石關。將軍萬馬下榆關。銀鞍錦韉黃金勒。驪駱駢駢雲作斑。道是毛龍悉龍種。天閑馴養承帝寵。春來鹵簿向長楊。躑躅春風艸茸茸。秋日駕臨大液池。月明鬢鬣映漣漪。出聽仰秣偕魚樂。法曲簫韶夜奏時。急報犬羊塞土群。維皇赫怒掃胡氛。併將六郡良家子。驅空天閑付將軍。將軍膽略故叅論。六郡材官皆孟賁。况是渥洼本神物。要當有意答皇恩。金止鼓行遵約束。斂蹄結舌氣明肅。垂鞭纔動電飛揚。踰塊歷都窮逐北。揮霍奮迅蹄似霜。跳騰百尺蹴名王。須臾大漠血翻海。汗血跨來轉有光。照耀路傍

白草紅移師。旋向陰山東。橫行到處無人影。凜冽陰
森鳴朔風。君不見交河水。雪踏成橋。風閃大旌凍不
飄。又不見十萬如蠟指。欲墮馬頭亂雪拳毛穎。此時
何處黃鬚兒。乘曉胡笳悲似啼。有情何可。不淒絕。解
語便當唱歸兮。三軍壯士目相視。忽聞萬馬齊聲嘶。

麗奴戲馬歌

高句麗北與胡鄰。產馬驍騰似其人。歲時國王修朝
聘。迺貢良馬隨國臣。從行麗奴善戲馬。輕便閑習莫
若者。西城門外揚子干。一時爭覩傾朝野。知有法
駕御樓視樓上珠簾半捲起。天威不言秋嚴肅。千

人萬人屏息竦。校尉直前麾白扇。電光一閃飛匹練。
馬疑游龍人訝鳥。步驟馳騫極八變。邪看挺身立鞍
頭。黑風吹檣舟如箭。須臾翻轉脚朝天。譬諸蚩吻銜
樓巔坐臥。論穩牀第倒垂。何敢擬渴猿。渴猿據樹
樹不動。蓬萊纔動位神仙。看佗馬飛人自若。笠上聒
飄颻颻然。左右七步不容瞬。或跨雙龍類比肩。八變
將畢。天意怡。遙聞歡雷隱城雉。倏忽冲空人仙去。
只見千頭鞍馬馳。眾人愕眙都罔措。神滅鬼沒那得
知。有物翩然出馬腹。振衣還向御前趨。羶笠胡服
熟視是。始悟技盡有餘奇。贊歎聲不絕。賞賜應無貲。

麗奴時鞠躬再拜敬致辭。賤技何足言。文武兩無祗。
君不見箕子吾邦祖。來賓周室朝京師。兩驂兩服乘
殷輅。和鸞鏘鏘有威儀。舞交衢。逐水曲。此技何爲乎。
此時又不見豐王十萬兵。叱吒風雷度大瀛。二都浹
旬拔八道。三月平。此技祇云奔。亾資難與堂堂陣爭
衡。皇和今值仁明君。百年昇平息戰氛。交鄰柔
遠賴有道。不厭舳舻海梯山。勤遐方。小人伴長官。聊以
賤技娛玉顏。萊舞巴歛自古賞。魚龍曼衍至今觀。
何妨千秋又萬載。持此長奉君王歡。

風月樓歌爲井君賦

風月之樓何朗廓。風月之懷何灑落。誰其爲之井伯
氏。能雅能俗百無惡。或可以集繁華子。歌風燕月轉
綽約。或可以會寂寥人。嘯月吟風不落莫。繁華子寂
寥人。掩映風月各精神。總爲東道擅光霽。往來集會
不厭煩。我也登此積雨餘。點埃不起暑氣無。有風拂
拂從南來。倚檻披襟叫快哉。濕雲鬱鬱靄崢嶸。失青山
赤阪參差出。樓中器皿競鮮明。樓外景象鬪蕭瑟。是
日同游誰在座。高僧快士四五箇。華音倭語善戲謔。
唐詩梵偈巧唱和。譚罷玉塵助風威。揮來綵毫勢欲
飛。金叵羅裏吹醺醺。石鷓鴣邊送馡馡。風月之懷風

月樓雅俗衆賓共自由。風月之樓風月懷。主人雅俗
兩相諧。祇恨主醉客散去。只得清風半樓趣。緣何更
卜明月夜。乞取殘興爲我補。

墨牡丹

高僧說法感諸天。雨花亂墜從四禪。欲墜不墜半空
舞。影落丈室明窻前。時出神通能護持。留在紙上長
鮮妍。細看非空還非色。花王相好具儼然。穠艷兼存
瀟灑意。富貴何求世俗憐。始知魏紫姚黃外。別有宗
門臨濟玄。

古意

漢家樓臺十二重。上有僊人玉芙蓉。金莖高竦雲霄
外。斗杓傾酌天酒濃。五侯爭赴君王宴。車如流水馬
如龍。學笙朝伴董雙成。聽歌夕定許飛瓊。學笙聽歌
無朝夕。自是君王醉不醒。未報集靈青鳥回。已傳昭
陽赤鳳來。願教聖壽千萬歲。臣曹長保此樂哉。

贈海西慧通上人歌

海西高僧字慧通。衣鉢翩然來于東。迨爾索予文二
篇。再拜出門又乘風。瓊浦西可窺月窟。日暮潮汐所
汨沒。江城斫額望扶桑。日大如輪夜半出。中間道路
三千里。不無名山與大水。母乃游歷便成娛。去來草

率何迺爾。自言高祖昭威君。靈燄乍發獲其墳。少小
受學華音者。思靖先生有遺文。通也雖身在空門。寧
背祖德忘師恩。欲得片辭垂不朽。盈耳鳥言誰與論。
忽聞子名心如火。及接子文珠雙顆。攜歸夜行烟無
虞。生平志願成聖果。予聞此言二嘆息。勇猛若師真
難得。誰謂釋氏無仁義。若師真足縫掖則。况又作詩
追靈一。文章夙成似長吉。卽色卽空交精進。圓滿莊
嚴竅它日。祇憾一去杳無蹤。鴻飛冥冥白雲重。白雲
重冥鴻飛。嘆息世上若師稀。

倚蘭君侯將之國就別予草堂賦此奉餞

古來能爲布衣游。魏有信陵今豫侯。豫侯况復詩書
敦。牛門何必讓夷門。門前五柳繫五馬。科頭笑視列
侯尊。尊酌濁醪焚枯魚。細剪於陵園中蔬。再拜慇懃
上君壽。祝君封內雨隨車。方今大旱萬民哭。聞君盡
心河內粟仁聞。仁政兩不虛。天必爲君降福祿。河內
從來皇畿南。南山佳氣映蔚藍。君行絃誦樂民樂。穆
如清風日颯颯。此時回頭憶小人。牛門此地天一垠。
白雲渺予亦思君。君且盡觴且逡巡。

屈子旭七夕惠詩病未克答值此中秋夜深不
寢聊和其韻

中庭視月起彷徨。悲歌激烈發衷腸。忽動白雲坐相
妒。英英南來裏清光。我有素琴不月彈。高山流水奈
辰良。予懷明德耿不寢。迺眷西顧金城傍。城傍朱郎
連天起。佳人深坐鬱自傷。昔時貽我五色錦。攬之衣
袖三日香。吾欲酬之病未克。霜露草木行摧藏。安得
仙人雙黃鵠。攜君並駕白雲鄉。嫦娥蹶然授君樂。餐
君且保千秋長。

題猗蘭族畫二首

猗蘭公子工畫蘭。畫成豈與俗人看。一葉一花造化
迹。霏拂春風被水石。縑素如聞王者香。藹藹忽升君

子堂

公子至性聞道早。學琴曾傳仲尼操。寤寐珮服思古
人。名臺自名嗜轉真。不然安得畫蘭與操蘭。宛然皆
出諸指端。

題子寬蒲桃畫子寬奧潘公族食采巖提山

信陵公子素稱豪。躑躅山頭城壘高。城裏春風吹躑
躅。置酒推牛筵。山臯山花恰映衆賓面。公子興酣弄
彩毫。應是爲憐春酒色。忽然畫意到蒲桃。

爲鼉玄洲題仇實父畫後

繫馬高樓醉青娥。急管繁絃夜如何。舞袖欲共月婆

娑皓齒似學織女歌。知傾金壘瀉天河。于思者誰漁
陽槁。恐動飛霞驚綺羅。

戲歌與東奧人求書字

東奧之人求吾字。吾字豈堪媚時人。不識義獻是何
物。而况顏柳與藏真。草堂花發鶯鳴時。對花聽鶯舉
酒卮。醉來臥把如椽筆。一揮唐人得意詩。中間一字
稍可見。吾黨年少爭傳玩。遂使彼輩來逼迫。千方萬
計苦相干。老子此時沒奈何。疾首蹙額強掃過。寄語
吁汝東奧人。持去附之東逝波。

秋日海上作

晚買舴艋海上歸。回頭海色射人衣。縹緲晶熒總堪
羨。島嶼歷歷映霏微。鏡裡碧空縠紋生。千帆如鳥逐
雲飛。雲飛弗已風轉急。忽見潮頭散珠璣。雪山崩摧
九天落。滉漾混茫萬象非。舟子收槳爭上岸。叱謂天
吳變幻不可幾。天吳喜怒何迺爾。世路嶮巇吁如此。
總不如歸臥舊廬菊。終日飲醪陶然乎醉而已矣。

農事忙

五月六月映山紅。南村北村少女風。曾苦雨前爭引
水。便喧旱後忽橫虹。汗邪且省挈壺汲。甌窶猶煩斫
竹通。總為在廬身類濤。不緣于役首如蓬。參天保障

是誰力。縑雪繭絲。悉婦功。何識冰紉。當避暑。漢皇近
幸甘泉宮。

雲夢歌為越君瑞

美人夢乘白雲去。白雲飄揚不知處。滄海如杯崑崙
粟。俯視蒼蒼何窮極。顧身儼在帝之傍。玉女曼睩挹
仙漿。鈞天縹緲廣樂起。忽有蓬風激清商。吹我誤隨
大澤中。洲芷渚蘭杜若叢。揭車留夷足紐裳。九疑凝
黛映沅湘。鴻雁嘹嘹鳴其伍。覺來恍然換君腸。帝鄉
之樂蕩君志。開口至今發天香。雲邪夢邪何迺爾。嗚
乎大澤之名不可忘。我為作誦題君堂。

謝墨君徽

海西才子弄弱翰。戲向扇頭試作蘭。墨花墨葉宛可
觀。清風清香六月寒。由來書畫無兩般。自詫遙贈老
夫看。千里淋漓墨未乾。出入懷抱照心肝。相攜日夜
堪盤桓。因憶故人多索處。總道愛我孰若汝。荷汝兩
次惠我情。韃帽禦寒扇禦暑。

贈天門上人

天門上人來相別。道將西看芙蓉雪。芙蓉雪色中天
立。君迺仰頭不可及。袈裟翩翩過其下。却恨此行不
值夏。天風泠泠絕頂來。采藥仙人安在哉。知君沈吟

不忍去。處處題詩只徘徊。過此以往長安道。誰與聽
鶯踏青草。千里如髮春三月。羨君遠游及未老。

贈墨君徽歌

古墨子悲深絲。今墨子何所悲。家有冰蠶五色繭。繰
成苦欲補袞冕。越人斷髮竟何往。爲之棄置恒怏怏。
肆力遂讀書五車。摩頂放踵豈有它。九流往往莫所
擇。兼愛嗟爾過阿瞿。近築五言長城出。吾學公輸雲
梯術。九攻九退無閒然。歛手逡巡稱爾賢。吁嗟哉今
墨子真墨子。古今人相去其閒不以咫。吁嗟哉古今
墨子何所悲。吾悲今人徒貴耳。

酬涌谷麟上人見寄

麟公脩道深山裏。俯視山雲涌谷起。空翠縹緲結樓
臺。時復隨風散錦綺。錦綺片片中宮商。樓臺一一發
異香。迺知六塵本無礙。何翅空中觀色相。上人因之
寫爲詩。無心猶似出岫姿。自言山中無所有。聊以贈
汝知不知。

謝盤山君畫

仙臺公子巧弄毫。曾作錦雞與蒲桃。蒲桃纍纍解人
醒。錦雞飲啄似欲噪。老夫一見嘆妙詣。何以能中公
子意。更畫高山松一株。因人千里特相寄。謂是遙欽

君子德使我錯愕失顏色。披緘丹青究蘊藉。掛壁屢
顏太落穆。參天不失富貴氣。恍疑置身秦封側。迺知
人間雲泥分。居氣養體愜所聞。公子自是賓大國。老
夫齷齪非其群。山如不騫松如茂。持此還當爲壽君。

觀張僧繇翠嶂瑤林圖歌

僧繇之畫天下無。迺有翠嶂瑤林圖。吾藩柳子携相
眎。使我三日忘晝舖。一縑巖壑宛然出。千載丹青煥
未渝。琳館仙子往往遇。秀骨古色處處殊。曾聞畫力
僅八百。中原兵燹不易覓。渺渺蓬壺隔弱水。護持却
應六丁役。跋後元明諸名家。書畫賞鑑衆所誇。競將

六法贊其妙。妙處不傳徒咨嗟。憶昔學詩學六朝。六
朝舊麗猶可肖。祇有一種矜貴色。想見烏衣公子標。
開元英邁發露盡。卒使雅道傷輕俊。義獻風流還蘊
藉。歐顏以往皆後進。始知文章與書畫。世世一解下
一解。所以吾師孔夫子。好古求古死乃已。

送海上人還崎陽歌

雨雨風風三春暮。黃鸝百轉花辭樹。夢寐神飛不可
住。焚香坐誦遠游賦。忽想綠山海閣黎。袈裟飄飄去
何之。白足由來泥不染。擲杯可以渡渺瀰。下界衆生
仰頭看。金策冷冷響雲端。名山大川頃刻過。三千里

程總無難。自道崎陽是我宮。孤島斗懸大海中。濤靜
遙見飛鳥影。天外千帆問日東。日東佛法今衰惡。大
道七裂如瓜削。昔在阿難傳。侏離竹。焚粗鹵。不知學。
海師淹貫。仲尼籍。旁通九丘。與八索。願以左氏司馬
文。新譯梵夾。婉述作。物子聞之。笑相戲。是君家事。非
吾事。君去大修人天供。天竺高僧。倘相逢。爲問須彌
優曇鉢。其如日東芙蓉峰。

贈于士茹

洛陽復見賈生才。今日吳公安在哉。九重宮闕連天
起。公子王孫滾滾來。四望青山徒突兀。文章十歲落
塵埃。誰其所使。室町氏。坑士焚經。何得似。君乃著書
欲過秦。知君才調本無倫。西歸君去過湘水。試問何
人似楚臣。

予素不知佛法。爲玄海戲學。浮屠語。題蕭鳴草
後

支那高僧本禪師。道成十年住長崎。長崎紛沓賈販
場。唯有曇香往從之。細音如髮。諸天語。一室晤言人
不知。忽復大音似雷霆。隔海支那諸友聽。何人爲傳
蕭鳴草。吾受讀之眼頓青。出世能作入世語。字字總
生蓮花馨。笑佗禪徒稱別傳。捧喝却受祖師纏。一離

一著無休期。怒眼攘臂夸已賢。何若本公道既化。時
出綺語應世緣。

崎陽劉生印歌

卯金刀子卯金刀。往昔斬蛇氣何豪。今日漂零無所
用。鑄印精工名遂高。篆法妙絕薄李斯。蔑視秦家傳
國璽。千顆萬顆應人求。印利不與項何為。惠我一顆
美若玉。彫刻宛轉如毛錐。我濟十指懸槌似區區。毛
錐不為使。不是君家卯金刀。那得自在能若此。君家
事業竟如何。君乃日日兀兀過。試問文章千秋迹。兩
京四百孰仲多。

井生侍親西還有悵然之色詩以送之

周南井子侍親旋。到日應逢棠棣翩。豈不爾思室斯
遠。東方一輪海月懸。君自赤馬關頭望。微茫更隔西
海烟。父慈子孝家庭樂。明倫館中多英賢。餘力學文
是君事。目送飛鴻揮五絃。詩成但繫飛鴻足。縱是千
里却可憐。

贈玄海上人

君今脩道在西山。西山紅樹想正殷。此書到日雲滿
山。雪山童子母乃君。雲隔東關鐘不聞。但知君讀貝
多文。

奉觀守山公子菊詩聊成短述併簡子和

公子偏憐楚客餐。開宴終日凭玉欄。珠履玳簪爭為
歡。中有楚客知不知。金華先生爛楚詞。還殊澤畔獨
醒時。掇英醜酒酒更美。奉卮慙慙上公子。公子千秋
長不死。君臣相得能如此。熟視靈均難及爾。

余五十節壽富春山人遙惠鐵烟管繫以一律
聊依其韻作歌謝之

一自羊裘嫌物色。釣竿苔剥色成玄。截為鐵筴還無
孔。擲下護園夫子前。夫子吹笙不解笛。偃蹇伏枕只
吹烟。烟中一點忽熒赫。驚問客星終是僊。卷之一

徂徠集卷之二

物茂卿著

詩

五言律一百二十四首

孤山席上同賦聽彈風入松得吹字

有鼓入松變。按徽下指遲。忽為流水調。翻作冷風吹。
縹緲還疑浪。奔騰不信絲。操終歛衽謝。此曲最稱奇。

大龍香尊者和玄上人詩見示謾次其韻附呈
何帝說圓通。揆辭識世雄。菩提尊域外。舍那王文中。
所以禪師筆。不無才子風。善哉龐氏子。及第頌心空。

螢

葉間疑似露。日暮尚依稀。帶雨初懸竹。隨風潛點衣。
明珠垂水麗。銀燭隔牆微。莫傍玉階月。偏臨長信飛。

白雲臨酒

把苦山中夕。白雲忽自親。映壺疑出岫。繞盞似藏輪。
誰識帝鄉物。迺憐醉國春。願言留此影。聊以贈同人。
歲初和江若水中秋寄詩

我憶疎狂客。家鄰浪泊臺。綵毫臨月寫。錦札及春來。
臘酒今應熟。寒梅早或開。但無同調者。白眼許誰陪。
山家閨怨

山中徵玉帛。夫子道輝光。歌管留都下。繁華寄洛陽。
敢懷猿鶴怨。能憶田園荒。只是鹿門昔。誰裁薜荔裳。
春山欲雨得香字

始訝貪山路。何來到夕陽。看無千嶂色。忽有百花香。
風捲畫圖失。雲隨杖屨涼。春衣堪自惜。猶未盡羊腸。
夜雨龜山席上得之字

意氣論交地。蕭條把酒時。俱高白雪調。各抱青雲悲。
撫劍春星暗。剪燈夜雨垂。風塵明日起。聚散敢忘之。
春夜子固席上分韻書字

窻櫺春月暗。爐火夜寒餘。來扣邊生筥。同憐揚子居。

紛綸探得字。寂寞披殘書。罔象知誰是。爲君照五車。
淑氣催黃鳥

黃鳥飛何晚。青春曷載陽。烟霞來宇宙。草木有輝光。
雪已殘幽谷。花當滿帝鄉。東風吹次第。上苑聽笙簧。

觀獵二首

晉鼓順朔吹。虞旗明西曛。負羽爲講武。追禽非娛君。
七百雉兔往。三千貔貅群。近值罷囿禁。空閭民如雲。
紛紛紫貂帽。意氣獵山阿。火迸鼻頭發。矢颺耳畔過。
珊瑚麋鹿碎。雪霰羽毛多。賁獲獸宜有。父兄書謂何。

薤崎太士洞

傳云千年寺。香火大悲尊。石壁鬼神裂。苔龕日月昏。
巖懸迷有路。洞曲訝無門。忽得豁然出。方知近後村。

同賦折梅逢驛使

欲寄北風信。聊攀南國香。抗塵思皎潔。播譽比芬芳。
心賞寧堪獨。神交轉自傷。江山殊舉目。持此爲相將。

和東壁二首

憶得吳門樂。誰知過爽鳩。豪猶燕市酒。興已剡溪舟。
意氣今成夢。詞騷昔上樓。且應餘匹練。夜照斗兼牛。
曾聞巧似鳩。應笑拙於鳩。薄宦甘移舍。浮踪疑泊舟。
春鶯皆喬木。美竹總高樓。獨我隨槽櫪。從人呼馬牛。

行役集

卷之一

三

實禪師已辭松雲自稱卧隱有詩徵和因奉拙

和

孤雲兼倦鳥。一併箇中還。坐隱寧棋局。卧遊是博山。

風雷揮塵罷。日月拄頤閑。猶識餘豪氣。樓高不可攀。

春日集卧念堂

春日芝濱寺。重尋花木幽。詩知齊已屋。卧豈元龍樓。

梅發憐新趣。酒酣悲舊游。自緣忘爾汝。欲返又聊留。

管廟

管公儒雅士。千歲事堪嗟。誰請佞臣首。獨傳說劍家。

忠寬尤霹靂。誠感唯梅花。遺廟遼崇地。徘徊白日斜。

覺玄上人游興用球客韻見示聊和

道高遊戲在海寺。况登臨。雙樹袂風冷。禪心印月深。

為傳中竺語。時効遠夷吟。杳渺流沙路。知君定裏尋。

聞笛得知字

征客山陽笛。秋來日暮悲。胡兒城下淚。夜向月明垂。

春早繁華地。人歡駘蕩時。誰將搖落意。吹使玉梅知。

奉和琴鶴君侯咏雪瑤韻

華堂宜賞雪。盛宴況城隅。珂散三千客。花明十二衢。

陪筵誰授簡。映履欲疑珠。何識長安市。有人醉當壚。

獨不見

祖來集

卷之一

四

大君輕遠別。獨不見盧家。玳瑁雙梁燕。芙蓉並蒂花。
紅顏非易保。白日豈難斜。所以莫愁樂。勝如陰麗華。

採蓮曲

江南採蓮女。竝棹下江灣。花美解誰語。水清照我顏。
粧臨明鏡裏。香度綵雲間。惆悵無歡覓。高歌月出還。

風月樓新落同賦分韻開字

似是迎風榭。還疑待月臺。應持雙美去。合作一樓來。
可以歌明矣。何妨賦快哉。知從今日始。高會幾回開。

舟中曉望

乘夜凌層浪。黑風勢壯哉。看愁山影失。坐喜日華開。

金湧千尋底。綺分百道來。東望雲似物。應是近蓬萊。

同賦鳳皇鳴朝陽

東方君子國。伊鳳所翱翔。朱鳥昭皇瑞。碧梧垂帝章。
朝陽瀛海色。初日羽毛光。賀世今宜爾。一鳴聆激揚。

中秋前一日忘憂館小集分韻前字

茅堂聊小集。參半素商天。人愛風烟爽。詩驚追琢圓。
應從冥討外。忽似暗投前。持此誇明月。中秋可占先。

驄馬

驄馬誰人騎。五陵美少年。曲鉤步逐水。直道馳如弦。
初映黃金勒。鳥垂白玉鞭。自憐上林暮。意氣獨秋天。

暮秋山行

青壑聽猿度。白雲立馬看。蕭蕭皆落木。歷歷幾晴巒。
九月征衣薄。千山秋日寒。鄉心何廓落。鳥道自艱難。

出塞

悲歌方罷宴。揮手玉門分。常惠今教字。燕然昔勒文。
聊將刀筆吏。敢從貔貅軍。暗想燕頷者。封侯自有勲。

遊寺

雲徑迷初地。蘿磴豁絕岑。莓苔知客少。猿鳥覺山深。
竹映雨花色。松傳空谷音。不因逢僧話。早已洗塵襟。

晚行

返照如呼我。曳筇寧有情。林間遠聽笛。牛背巧飛聲。
緩步誰知意。相逢不問名。且隨山月上。同浴澗流清。

郊興

負杖課童僕。秋深負郭居。迎霜憐素菊。過雨惜紅渠。
城市跡纔隔。田園興不踈。故人應近訪。莫使醅甕虛。

巫山高

巫山高幾許。上有襄王臺。古木參差出。清猿日夜哀。
一篇傳恍惚。千載極低回。尚識行雲雨。時聞環佩來。

蟬

次君涼籟吐。苦此暑埃侵。三伏轉消渴。一蟬忽喝吟。

臺風自快。漢苑日方沉。應飽金莖露。寧知司馬心。

道士水亭

丹竈迴浮水。赤欄橫俯流。遙呼垂釣坐。不肖隔門酬。
一鶴驚飛映。千篁深掩幽。玉顏童子侍。恍疑徐福舟。

武陵泛舟

云是武陵地。桃花兩岸林。冀逢黃髮宿。行訪白雲深。
灼灼霞成綺。萋萋山自陰。停舟猿叫斷。寂寞古人心。

過故人莊

偶從郊外路。一過故人家。款客逢秋熟。論心忘日斜。
山肴無海味。村飯有胡麻。更是陶翁趣。東籬旋看花。

寄某上人

一鉢是生計。三衣唯路資。報恩甘棄母。求道苦尋師。
寒雨湖雁斷。夕陽秋草衰。結趺何所處。思子使人悲。

寄舊游

悵然思往事。歲月似東流。詩酒青樓宴。管絃白社舟。
凋殘今幾在。恍忽昔曾游。已矣壯心盡。與君共白頭。

早寒有懷

搖落江山暮。客衣早覺寒。蒹葭連水北。鴻雁叫雲端。
料識閨中夢。當為馬上看。何由尋錦字。鄉國路漫漫。

擬秋宵宮直

宗廷饒樂事。不覺中宵過。瓊樹秋偏麗。金缸露轉多。
罷筵歸曉月。應製仰明河。已駭早朝者。隔垣鳴玉珂。

山居秋暝

獨坐空山曲。西風桂樹秋。千峰開返照。一葉舞寒流。
鳥雀喧樵逕。猿猴挈釣舟。慣玩秋月好。出戶且遲留。

登城樓

步登百雉上。俯眺九霄間。碧抱蓬瀛海。青環表裏山。
羶蟻晨市聚。豆馬暮城還。最看芙蓉色。西南白雪閑。

題驛樓

驛樓臨大道。垂柳拂欄涼。疲馬嘶長日。鈞鞍繫短牆。

野花橫髻巧。村釀壓糟香。小女當壚笑。解言勸我郎。

征馬嘶用高達夫韻

征馬且千里。行人殊未休。蕭蕭嘶落日。寂寂動清秋。
南雁懷吾土。朔風吹爾愁。雖非大行坂。到處共回頭。

題書齋

書架五車富。花瓶十月春。外梅無長物。中酒有同人。
偃蹇終年暮。文章白日新。童烏應識字。玄草不須親。

夜宴友人莊

日落花逾白。興餘筵又張。釣池魚躍鏡。洗竹月窺堂。
歐韻燭剪早。繁絃曲度長。為緣投轄愛。歸路遠能忘。

擣衣

三秋風落木。萬戶月明砧。非爲佳人怨。旣然行子心。
征衣今日薄。寒氣昔年深。空向邊庭老。不聞鄉里音。

村夜

小澗經霖漲。獨梁認電行。歌舂連里動。績燭射窓明。
過店羨茶馥。踞門待月生。偶逢老農話。嘉爾古人情。
泛舟有女樂。在諸舫。

聞笛

簫歌飄島渚。詩酒在樓船。轉棹滄洲外。揚觴明月前。
水連雲不盡。岸闊地將偏。忽載青蛾過。何來牛女天。

何人吹玉笛。來此客中堂。悲節傷神短。鳥聲引怨長。
落梅殊寂寞。折柳轉淒涼。繚繞留餘響。前山歛夕陽。

七里灘

晚泊嚴陵瀨。江風吹客衣。山寒飛鳥疾。岸闊渡人稀。
不盡客星色。還高漢月暉。巢由千載後。微子與誰歸。

雲際中峯

中峯殊突兀。聞有古禪關。寧信殘僧在。只看飛鳥還。
積蒼啣日立。縹緲出雲閑。疑是諸天色。結爲下界山。

叢篠

坐疑白日沈。對此翠篁林。水映森森淨。風吹葉葉深。

歲寒皆有節。籟萬總無心。為待鳳凰宿。曾栽數畝陰。
尋某山人居

欲訪秦人隱。桃源且繫舟。村村隄岸似。處處洞門幽。
曾識數竿竹。還沿幾里流。果然鷄犬逐。桑柘水窮頭。

採蓮曲

又被採蓮伴。相牽過幾灘。妙歌人自好。絃服俗相看。
獨記去時劍。徒聞別後冠。芙蓉花酷似。何處覓儂歡。

經故道士觀

相傳戶解去。知是玉皇臣。昔駕緱山鶴。今遊閬苑春。
榻留仙久。鼎壁掛禮星巾。舊觀皆零落。寒風學道人。

行舟值早霧

何來雙岸烟。不見兩重天。將詣雲埋路。忽知霧擁川。
搖將來聽瀼瀼。採水辨洄沿。看已日華動。前山色未鮮。

題禪院

衣濕翠微色。屐穿蒼蘆香。千山遶處路。一鳥飛邊房。
茶飯自何得。利名來此忘。悵然徒倚久。看已沒斜陽。

送某明府之任

聖世微官樂。何須惱別魂。栽花應滿縣。行樂或過村。
千嶺對廳壁。一舟到郭門。相思倘乘興。看子飽君恩。

擬禁中送山人

又看陶隱居。玄武掛冠還。請邑便尋樂。賜金可買山。
留詩青鎖上。來表白雲間。臨別丹無吝。爲吾駐醉顏。

擬中書寓直

紫薇花照省。遭遇聖朝難。才子皆懷璧。侍臣總握蘭。
陪筵知帝德。草詔奉皇歡。爲在鳳池上。聯行鴈與鸞。

江上田家

門巷隨江曲。田家籬落稀。岸低洗耕具。雨霽晒漁衣。
小犢負新飲。扁舟刈麥歸。兒童沙上戲。鷗狎不高飛。

故城秋望

故國十年後。眺臨在宦游。波埋殘郭沒。江齧頽垣流。

山色衝斜日。潮聲動異秋。兵符懷古恨。併作客心愁。

出城門

胡馬紛荒服。戎裝辭帝鄉。西風吹渭水。落日照城牆。
供張傾都士。慇懃同舍郎。不須揮別淚。自古漢兵強。

秋夜友人宅對酒

悉是悲秋意。相看倦宦情。非關歌管促。已覺酒盃輕。
千里人懷土。三更月滿城。不堪搖落夜。共聽雁鴻聲。

秋日野望

曠原聊矚目。秋思黯難收。故國識喬木。夕陽帶斷流。
草肥芻牧少。城遠鹿麋游。平楚眇無極。一望何限憂。

閑居

山園村落僻。門對澗流清。窓竹因風動。逕苔先雨生。
釣魚乘月黑。採藥喜秋晴。何妨吟朋少。元來遠郡城。

秋日寓直擬作

洞門深自邃。獨坐掖垣清。咫尺天猶遠。三十官未成。
芙蓉御溝色。鴻雁鄉園聲。拄笏西山爽。惆悵若為情。

古別離

憶昔東門別。青青楊柳枝。郎歸何日至。妾意有誰知。
白雪忽盈地。紅顏自照池。人間能幾歲。死別勝生離。

鄂店池上看月

誰引野泉響。穿苔作小塘。山遙多水色。地曠足天光。
忽見臨明月。猶疑浸夕陽。似無朝莫別。殊覺歲時長。

洛陽早秋

宮闕似生愁。帝京是倦游。涼河臺側畔。織月殿當頭。
短笛秋來夜。長歌人在樓。奈何鄉國思。大火向西流。

阻雨

長江烟雨暗。客棹滯孤城。繫纜過三日。掛帆更幾程。
波濤滿地濶。雲霧漫天生。咫尺金山在。徒聞奇絕名。

採蓮曲

高唱採蓮曲。採蓮應有心。花花朝日麗。葉葉暮雲深。

桂棹長洲外。蘭舟短嶼陰。誰人遺玉佩。何處落珠簪。

寄興園池鶴

昔從瀛海至。今尚羽毛存。高潔豈縻爵。稻粱已飽恩。青雲縣圃遠。翠竹夾池繁。風唳却秦日。寧須乘衛軒。

送客臨邊

客邊鄰異俗。何啻恨離家。魂斷天南雁。目窮漠北沙。非無龍磧月。自有燕脂花。日暮胡笳沸。攪榆擁虜車。

感秋林

歲月看忽改。庭園境非殊。老樹西風冷。疎林晚照孤。霜寒驚宿鳥。葉落見巢魚。何限人生恨。將無榮與枯。

晚宿江戍

浮槎隨落日。荒戍倚中流。欲結一宵夢。來栖千里秋。江聲聽似咽。山色看成愁。伏枕終搖蕩。出波月沒洲。

客舍秋懷

徒看風物改。誰解客心悲。日日北人至。年年芳草衰。雁飛元有信。猿叫自無時。問我終何意。欲言開口遲。

某宅會別

把臂是餞宴。林亭迴晴空。賦詩悲在沒。攬鏡嘆窮通。花竹聊堪賞。杯盤暫此同。慙慙休辭醉。明日各飄蓬。

早行

壯心凌曉發。客路不知悲。為抱烟霞癖。忽忘筋力衰。
雲巒微白際。海日欲紅時。立馬千尋阪。悠然悞往期。

同賦王孫游分韻

王孫去不返。桂樹山之幽。猿狖偏悲夜。登臨總慘秋。
如何春草色。一自楚臣愁。歲歲芳洲上。至今苦遠游。

和蕃

琵琶行路難。漣酪北風寒。寧保紅顏好。已憐翠黛殘。
單于應久待。道路悉相看。婁敬獻長策。唯謀朔漠安。

秋日某廳池上咏石

石峙一拳秀。池開半畝清。無磷存古質。不轉異凡情。

出沒知漣動。玲瓏映月生。鬱林應載至。久飽陸公名。

湘妃怨

蒼梧荒服地。二女從王游。自古湘妃怨。至今芳杜洲。
楚山疑九似。瘴溪競千流。遺廟知何在。鷓鴣日暮愁。

從軍行

妻兒送出城。慟哭一吞聲。自是居人意。寧知壯士情。
國威千隊肅。將畧九邊明。腰劍秋霜色。抽身已籍兵。

暮雨送人

陌頭楊柳垂。相送雨昏時。寂寂去人遠。濛濛匹馬遲。
江聲鐘易濕。浦色草應滋。寧問明朝後。吾心已亂絲。

友人枉書稱日暮無車馬不赴以書長答

一諾期沽酒。三朝已掃門。青雲咫尺遠。白日須臾昏。

盍秉照花燭。何妨泛月尊。且當勞屐齒。却說折車轅。

送落第東歸擬作

君家滄海上。雲物近三山。皆看化鯤去。獨來倦鳥還。

嘯傲高世外。詩卷落人間。明日東風起。無心叩帝關。

秋雁

聯翩鴻雁影。日暮過江干。正值楚楓落。遙知燕雪寒。

乍聽揮淚易。欲問繫書難。湖月送何限。洞庭早已瀾。

宿禪房聞梵

疑此域中地。緣何界外心。忽然風籟動。定是雨花深。

飄去一輪小。和來萬木吟。老僧正趺坐。靜學梵天音。

池大帥席上

竹樹澹秋色。高齋款客開。滄洲何髣髴。書畫足徘徊。

今已以文會。後當為興來。還嫌金谷酒。或苦獻之才。

砥礪尊者新年作次韻

調刁起東風。諸天竟孰功。日華香海外。春色梵宮中。

世值昇平運。路疑安養通。琅琅開士偈。却似說圓融。

宿江店

鸚鵡洲前水。蒹葭秋後花。寒雲回客棹。落日宿漁家。

樹小漢流濶。村稀江路斜。何心南國雁。聯翅下晴沙。
夜到漁家

日落江隄里。燈光動竹扉。魚蝦新酒熟。蓑笠小舟歸。
水濶鷗應狎。竹深客自稀。三閭君莫怪。已製芰荷衣。

邊上送故人

壯哉三尺劍。去矣一書生。北雪迷岐路。南雲渺驛程。
今朝辭玉塞。何日到金城。聞說漢班超。建勳戍已營。

小集烟字

深語鐘過午。沈吟雨欲煙。世情高枕盡。狂氣把盃偏。
鏗爾時投瑟。斐然各作篇。俱言酬我志。豈必世人憐。

王孫游

王孫遊不返。悵望復斯辰。蘿密終無徑。風吹若有人。
誰同明月夕。想結白雲鄰。草色青何限。萋萋度幾春。

和覺玄上人韻

何必列仙儔。高真與淨流。不煩避暑飲。且借乘風游。
狂許淵明社。爽過弘景樓。醉聽松籟起。清梵破冥幽。

次雨世達咏龍韻

靈物潛伏時。吾識善變化。瘁性自難馴。煥質誰能駕。
看且游雷發。遂從勺水謝。珍藏領下珠。莫向人間借。

小集得前字

何若無人境。牛門小築偏。市朝如隔世。詩酒且終年。
或為從游樂。時增泉石妍。迺知丘裴輩。不讓輞川前。
又得賒字

山供終落實。林鳥漸喧嘩。主無冬蓄菜。家有春摘茶。
催笛竹先籟。引盃天已霞。愧孤來訪意。詩酒兩俱賒。

初夏幽莊分韻幽字

垂楊絲漸老。尚可繫驂騑。下榻迎風至。啣盃聽水流。
鳴禽着變夏。脩竹已藏秋。散髮道然笑。吾莊事事幽。

同前分韻花字

桃李春風日。誰知蔣子家。近開新竹徑。偶駐故人車。

楚味林垂菓。幽芳菜著花。雖無供張美。聊醉卧晴沙。

林卧

夏木千章好。況逢三伏天。披襟風葉底。高枕露枝前。
深映綠尊色。斜窺纖月妍。似惹南柯夢。此心已恍然。

琴鶴丹戾和。予林臥詩併以靈楓記見寄再依

前韻聊述其事奉呈

聞有靈楓樹。蕭疎宜夏天。綠搖山堞下。涼滿郡樓前。
因愛風聲美。應懷霜色妍。綵毫堪隱映。誦畢亦蒼然。

中秋翌日同人集偕覽古琴經分韻知字

闕里遺音在。千年吾黨知。流傳天或厄。遇合道無疑。

明月中秋夜。幽蘭君子詩。賞心猶可及。願共理朱絲。
留春館小集同賦寒江把釣

羊裘凌練色。乘醉下中流。不盡剡溪興。留為茗雪游。
鉤疑柳葉月。雪似蘆花秋。始信玄真輩。四時未識愁。

奉和琴鶴君侯雪中瑤韻

知君仙府雪。賞此逡巡春。錯落埋山屐。繽紛集岸巾。
東風千玉亂。夜月萬花新。但是朱門裏。能容乘興人。

次韻雨德允奇童

弱臂揮椽筆。屹如萬仞山。熟看氣骨勁。遙想風神閒。
學縱父兄得。才非季孟間。古言二虎子。必有豹文斑。

次韻伯錫贈韓客詩

西來書記客。翰爾更翩翩。詞翰風生處。聲華日出邊。
祇教二陸似。何必三韓傳。藉甚南朝士。最看大謝賢。

次韻仲錫贈韓客詩

館中君最少。援筆問仙槎。一謝聲名亞。二韓道路賒。
西山晴後雪。東海日邊霞。掩映多奇句。轉堪異域誇。

代人贈韓客

翩翩書記哉。遙傍使槎來。蹈海還雄志。抽毫自大才。
南雲流滌翰。西日映銜盃。傾蓋乾坤外。相看便可哀。

又

叱馭漢臣節。乘槎轉渺然。映雲簪筆矗。指日錦帆懸。
東望應無地。西歸若上天。壯游知有助。書記更翩翩。
城北集得卮字

芙蓉城北府。鬪發日南時。不有維摩室。將無齊已詩。
吟心忙自得。酒力寒相持。擊節塵中趣。何妨侑一卮。
又分得徒字

冥搜恣象外。勝集卽城隅。浩笑喧盈屋。高吟誇獲珠。
誰知戚里地。忽著高陽徒。意氣相看暮。黃塵甯几衢。

謝諸君見訪

自古一安道。方今幾子猷。孰非乘興至。總是爲詩留。

栽竹供君愛。彈琴破我愁。況看天欲雪。牛渚有扁舟。
同游聞成練若少人字

春日城東路。聽鶯訪道人。曇華還卽色。忍草不侵塵。
汝法同支遁。吾徒總伯倫。已憐般若趣。何妨膾紅鱗。
二月廿一日草堂小集分韻今春都下大火風
沙竟旬人皆騷然文事久廢

春來恹擾甚。誰料會群賢。萬事風塵後。一尊水竹前。
人堪乘雪夜。笛更落梅天。有興晴逾好。柳絲可繫船。
是日諸子集西臺侯邸而予病不能往因憶前
日分天字詩不成偶作補債併寓戀戀

臺上笙鏞起。頌歌公子賢。猗蘭流古曲。叢桂映新篇。
病肺秋逾劇。賦心老更憐。豈無飛動念。夜夜夢鈞天。

入聚同飲次公舍

城裏諸侯府。周南才子筵。饌肴饒遠味。書畫出名篇。
白雪歌相和。朱門春可憐。使無嚴夜拆。乘月欲留連。

觀潮

八月秋濤大。廣陵壯觀哉。勢疑吞地盡。色似盪天來。
百萬雷聲合。須臾龍界開。何人珠徑寸。拾得比中回。

五言排律一十首

東壁席上限韻

嘉會諒難得。良筵苦易窮。乾坤懸榻外。人世把杯中。
詩就探珠色。談生揮麈風。心同皎白日。眉對洗青空。
賴有衝泥屐。寧無冒雨驄。莫嫌來往數。思子在鳴鴻。

歸後再同原韻奉寄

買屋諼洲上。寧愁吾道窮。釣舟通郭外。酒肆近城中。
緜籍每深夜。聽篁偏愛風。不緣賓客滿。恒恐壘壘空。
長者多埋轍。故人皆駕驄。誰知縻祿隱。更有羨冥鴻。

東野見訪座上用錢起韻

世波何浩蕩。宦路自浮沈。藥裹歲將晏。酒杯日且深。
悵然青嶂色。倚此翠篁陰。消渴同司馬。支離違尚禽。

晴雲開岫樹。爽氣滿丘林。時有問奇客。知吾祿隱心。

邊城落日

朔方戎馬地。杖策意何窮。徒步長城外。遙看斜照中。
陰山銜落日。大漠起悲風。嚴角聲連塞。歸禽影滅空。
域絕崦嵫逼。河高星宿通。功名驚白首。慷慨為誰雄。

贈學僊者用王績韻

瀛海波濤濶。蓬萊道路賒。釋裘被草木。却粒餐烟霞。
夜宿羽民宅。朝遊毛女家。神仙洵美矣。流俗詎能邪。
秋去三珠樹。春來五莖花。逢人空自說。句漏有丹砂。

同賦明月生海上

碧連潮頭細。金浮波際生。三壺望忽奪。一鏡吐還清。
出彼天衢遠。接斯折木橫。白毫百道射。驪頰千尋驚。
焦石想應湧。扶桑似欲明。婆娑影方悟。冉冉近南榮。

冬日遊同齋先生別業善樂者神景豐祐卓二

師來集

大醫栽藥地。窈窕接名藍。為奏鈞天樂。忽飛錦字緘。
翠簟傳籟潔。紅樹染霜酣。笛有胡僧弄。酒從楚客耽。
行杯臨敬砌。擣藻映晴嵐。總覺離塵網。僊居近佛龕。

賦得振衣千仞岡

忽脫樊籠役。陟斯千仞丘。屏車隨石徑。洗耳鑿寒流。

垢濁長相謝。塵氛安可留。饑當餐沆瀣。死不事王侯。
逝矣鳳鳴處。杳哉鸞嘯儔。飄飄振衣立。抗志隘神州。

春色滿皇州

佳麗關中地。韶光况媚人。繁雲低殿閣。迥雪對城闈。
花早上林樹。風柔少海淪。雙珂辭博陸。連騎散平津。
天酒家家醉。春衣處處新。青樓十二陌。無日不紅塵。

同賦春色徧皇州

葱鬱神京望。乘時識帝功。青陽萬國首。紫霧大寰東。
罩闕和烟麗。映街織雨濃。朝回雲母輦。班散日華宮。
已有紆組客。豈無奏賦雄。春衣過杜曲。夜酒宿新豐。

甲第森臨水。名花燁照空。南山如著色。上苑亦含風。
暇豫六龍駕。從容五馬駘。總憐佳色動。藹藹滿關中。

徂徠集卷之二

出。白雪千秋突兀看。誰指仙衣懸縹緲。自疑玉女剖琅玕。于今石跡山陰地。喚取驪駒問大丹。豐聰王馬跡石實在

山陰昔年使峽中所觀

古師竹亭大兄示及上日書懷詩漫同其韻二首奉

寄

才子。先朝金馬廬。一時光寵憶齋居。鬼神宣室終成議。封禪茂陵誰覓書。御氣忽隨璇斗改。春雲長護寶圭舒。料知唱和多傷意。今上栢梁盛集初。

仙郎已厭承明廬。暇日茂陵偏病居。青瑣從容皆焚草。玄亭寂寞只繙書。身懷趙璧難韜晦。年近蘧瑗可

卷舒聞說

本朝多父客。彈冠將及中興初。

竹亭家藏御

墨故前首及之

冬月圓

看月上樓還下樓。冬宵三五客衣愁。窺窻玉鏡寒逾小。委地金波凍不流。何物梅前吹斷笛。誰家雪後興來舟。朔風酒力終難敵。敢說團圓減素秋。

昨在舍弟所睹大醫長公憶田園及偕林祭酒宴其別業詩卒奉和其韻二首

人道倉公漢帝年。聲名不讓上池泉。同朝枚馬能成賦。異代桐雷豈為錢。欲覓丹砂句漏令。時歌幽桂小

山篇祇今海內疲癯滿。敢許攜家入紫煙。
幾回蠟屐竟何因。徒聆名園鎖碧筠。應有泉巖寰內
擅寧無芝朮雨餘新。煙霞長護仙為主。花木深通寺
是鄰。况羨風流傳勝事。悵然援筆步瑤塵。
期與諸名勝同游。天桂精舍以病弗果奉寄二
律謝之其一東實尊者
梵王宮殿倚林丘。法雁春飛祇樹頭。塵外羽械邀小
集。城南蠟屐想同游。人如嶽雪遙相映。詩似衣珠罔
欲流。擬借綵毫酬起色。紛紛世事竟難收。

其二東香尊者

翩翩百衲忽乘風。遙集琳宮勝會中。應有毫端飛幻
色。將無趺坐結真空。歌翻初地高振杪。譚竦諸天低
遶攏。無奈維摩猶示疾。剎那千偈任君雄。

雪中以臺哉才開來為韻

映簾白雪讀書臺。入夜霏霏詩思哉。剎掉敲門能有
興。梁園作賦豈無才。洛中伏枕色堪起。歷下高樓望
最開。總為楚人歌少和。還疑按劍暗投來。

和答東壁都依原韻二首

謾說陽春高楚臺。和成白雪有君哉。自誇皎皎人懷
美。誰識霏霏天愛才。絡繹共揮綵毫動。須臾雙構玉

樓開硯澌時澁更何妨。不斷風吹咳唾來。
一時枚馬自梁臺。今日同游有是哉。南雪彌高難我
和。東風儷美見君才。月回趙國連城合。花吐淇園脩
竹開。况復春寒藩邸地。吳門匹練繞毫來。

護洲新歲

買屋養痾護葉洲。優游卒歲欲忘憂。忽聞鐘鼓城樓
動。便見雲霞滄海流。高枕西山來雪色。啣盃短髮照
春愁。千秋知是干誰事。肯教東風催不休。

再用前韻酬東壁見和

漢家宮闕象瀛洲。總是神仙豈識憂。劔佩三朝衝斗
集。衣冠九陌映雲流。綠花琪樹青春妬。銀燭瓊筵白
日愁。獨有王門敝裘客。東風寂寞早歸休。

又三首

卧聽早鴻過汀洲。忽疑相對酌忘憂。和來雙壁篇皆
琢。寫將五雲字欲流。休說吳潮堪起色。因歌郢雪失
窮愁。憐君似解少文意。壁上名山響未休。

登至驪珠暝色前。醉揮彩筆睨春天。屠蘇上日君雖
後。旗鼓中原誰避先。不道青雲蓬閣遠。且看紫氣斗
牛聯。洛陽又此豐城郡。乍合芙蓉知幾年。

黯然嶽色映新詩。國士羞吾折節遲。夜閣剪燈披手

札春城阻雨負心期。論文捫蝨須稱快。把酒聽鶯豈
道疲。何日長歌還擊筑。傾將狂態向君知。

詩成未致事故數日聊此為解時予學笙遂及
之

高藩才子惠春詩。鞅掌經旬欲答遲。花裏筍輿無暇
日。柳邊欵段有幽期。探珠乍值驪龍睡。衝雪還愁銀
鹿疲。譜入王喬雙鳳吹。東風相送報君知。

覺玄上人新年作次韻却寄二首

經罷祇林夜未眠。磬鐘聲曙臘纔遷。迎春花木如來
地。出海雲霞不住天。定識禪心回浩劫。便看華偈報

新年。援琴試度郢中詞。元自梵音高大千。

護園鳥語日酣眠。十歲何知官不遷。歌罷撫琴誇白
雪。醉來嚼盞睨青天。自疑散聖忘禪日。猶憶高僧守
夜年。已諳人間無似我。憑君界外問三千。

夜泊

解纜大江千里秋。漸看檣上夕陽收。青山向暝留漁
火。白浪漫天渺客舟。擬受長風望北斗。俯憐明月在
中流。不知今夜宿何地。且傍清光多處浮。

琴臺

司馬相如昔倦遊。高臺此地勝踪留。琴心人自千秋

艷擯鼻家徒。四壁愁老去。鳳凰終決絕。窮來車騎更
風流。猶憐輕薄堪才子。剩看遠山悲白頭。

寄贈次公二首

山陽形勝海藩分。藩府文章今屬君。大學世家風未
墜。長門作賦思離群。東來濤捲廣陵雪。西別島浮韓
國雲。遙識登臨壯春興。妙齡纔是過終軍。
聞說長門地勢偏。憐君閒暇足留連。時援瑤艸山中
宿。或釣珊瑚海底懸。赤馬關高通水府。青蜺洲盡接
華天。儻逢西客遙相覓。日本晁卿以後篇。

寄東壁

憐君何處五侯門。綺言華宵坐綠尊。月下徵歌飛雪
亂。風前按譜落梅繁。酒酣時却千金壽。宴散寧忘一
諾因。祇爲毛生多慷慨。翩翩誰不似平原。

寄岡生

短衣長鋏動諸侯。被髮悲歌燕市頭。罵座春風驚綺
席。揮毫醉色爛銀鈎。興來時發中原語。恍若身凌大
海游。總是斐然吾與點。看君狂簡擅東州。

春日寄野搗謙

倦游此處便鄉關。楊柳城東非可攀。歌罷浮雲生渤
海。嘯來宿雪滿西山。主恩且從大夫後。物議皆輕祝

史間門外春風紫駟馬。羨君意氣謁藩還。

野詞兄游有高和之贈輒此塞答二首

廣樂當年動九關。鈞天縹緲彩雲攀。誰將城北一抔土。忽換宮前萬歲山。咫尺幾違齊使後。篇章尚映漢臣間。憑君莫說龍門路。身已鼎湖髯墜還。

身如枚叔在梁關。仙露金莖未肯攀。風什徒誇齊大國。篋書幾發趙中山。病顏羞向鶯花畔。傲骨懶游卿相間。海上安期君有意。扁舟共覓粒丹還。

再用前韻奉答野塢謙

春雲不敢度江關。知是和歌堪重攀。白壁投來驚暗

夜。朱絃斷後識高山。寥寥騷社風塵裡。落落吾曹天地間。偶值門前梅似雪。停舟莫道剡溪還。

春遍芳洲畫掩關。五陵車馬豈難攀。援筇日日酬黃鳥。伏枕年年夢碧山。姓字方今詞客外。沈冥自古酒徒間。偕君且結高陽社。酪酊扶騎款段還。

春日懷次公

黯淡中原一病夫。登樓落日滿平蕪。滄溟春湧濤聲大。齒齒晴搖雪色孤。五斗時能愈我渴。千秋未必須人扶。祇緣寂寞悲同調。苦憶周南縣孝孺。

又寄

一歌白。三動高秋。槎客如雲不敢酬。碣石西連玄菟塞。扶桑東盡青蜓州。古來辭賦徒稱漢。今日文章始識周。安得中朝王李輩。與君大海割鴻溝。

春日懷子徹

武昌柳色映河清。春日鶯啼求友生。吾黨朱絃難遇賞。誰家白雪別成名。通經子夏因冠識。賣酒相如以賦鳴。總為梅花高世外。教人轉憶浪華城。子徹子子夏曾求予字

支機石

媧天補就留殘礫。石砧明河灘上磯。有日牽牛來礪

角無端織女取支機。七襄雲錦憑誰力。八月海槎攜汝歸。說與世人疑未信。墮于宋七定應非。

聞熊斯文赴肥後侯之辟却寄

大藩束帛忽相求。書記翩翩欲遠游。應有玄珠懸筑海。或者寒火到蕭丘。訪挑時值避秦客。頌橘何須學楚囚。還憐熊府熊生聘。巧似宗元在柳州。肥有寒火又產橘深

山中有前世避亂者住頗似桃源事云

奉和豫州藤侯贈韓客瑤韻 五首

太守風流耽暇豫。郡中勝事復無涯。賦裁招隱雲為掌。歌罷懷人月似眉。南斗天河窺錯落。北風交野獵

自來

卷之三

七

迷離支。最是君家物。持贈仙槎欲返時。天河交野

聞說兼葭霜露後。伊人宛在浪華涯。綵毫題去偏曼

目。青羽回來只俛眉。誰謂南方無美麗。便知西土有

侏離。祇當笑折梅花報。何減王仁擅昔時。西槎時駐浪華而葦

葭梅花國風所咏王仁亦韓人

翩翩五馬何如織。南北雁臣江海涯。獨識玄經亭寂

寞。忽投赤玉燭鬚眉。從來劔氣斗間淺。異日練光天

上離。因憶栢梁高賜宴。依稀尚似夢鈞時。君族分班雁間故引

北史雁臣

鼎湖龍去帝鄉遠。真人間生有涯。十里山河縈驥

足。三年侍從泣蛾眉。入朝冠佩星旋轉。出守干旄雲

陸離。還是子男周爵貴。好將治最答明時。子男五命值今五品

一伏元勳豐沛後。流猷世德遠何涯。傳家詩禮紛經

目。治郡功名深察眉。無客玳筵彈短鋏。有琴玉軫起

長離。會當躬奉延陵使。十二國風論盡時。君族善頌琴故及

餞撫謙野君祗役三河護送朝鮮聘使仁首

大邦大夫白鼻騮。清秋摠轡有光華。二川自古雄州

鎮。百濟于今星使槎。迎送島夷朝玉帛。聯綿海甸建

旗牙。相逢儻及九嵩勝。指點芙蓉雪色誇。

迢遞仙槎離金津。聯翩文旆發江濱。元知東里善為

命寧謝西華可與賓。日本三河侯伯國朝鮮八道
支那鄰馮君欲遺繞朝策將謂當時秦有人

美人晝寢

嬌倚琵琶若有思西宮花氣泥人時。攔干影轉斜何
識裙帶風吹開不知爭羨海棠眠可比空憐胡蝶夢
相隨君王錯愛留連樂雲雨陽臺為是誰。

江若水寄示韓使唱和詩走次附郵筒

仙棹問津遶道山何來漁舸浪華間飛詩忽合雌雄
劍懷刺空妨虎豹關雙壁映殘疑月暗五絃揮罷望
鴻還江南縱有梅花發能若君開北使顏渠不得見韓使但投

詩
和耳

池塘生春草

道是王孫游未歸池塘草色弄霏微雪依冷石看猶
在煙着春沙吹不飛晴岸淺生侵鳥跡夕漪斜映蘼
人衣轉憐昨夜西堂思夢裡惠連覺來非。

斜岸迴堤翠忽浮暖煙晴日色逾幽吟成公子翩翩
夢游倦王孫歲歲愁亭館幾時過夜雨池塘到處似
芳洲好着春草深春水次第東風吹未休。

夜猿啼得飛字

萬樹蕭森曉月飛千峯寂歷夜猿稀清風忽送王孫

淚。白露偏書客子衣。傳谷響悲心如自語。窺枝影遠與誰依。何堪獨宿空山夕。髣髴一聲到翠微。清猿驚夢聽依稀。道是上方連翠微。懸澗影從巴月落。嘯林聲度峽雲飛。多憐紅樹千山盡。或疑碧環萬事非。總為斷腸悲夜夜。無人來此薜蘿衣。

答友人病起見寄

一自河堤把袂分。愁看大野日生雲。烟花春去人歸盡。鴻雁秋深夜靜聞。明月寄心纔到我。青山起色轉思君。曾悲解劍終難合。不是尋常歎索群。

辛卯新正

鷄鳴攬帶夜如何。門外東風白玉珂。雲映衣冠春色早。雪殘城闕曙光多。猶聞昭代討周禮。定識詞臣賡舜歌。自為繆生貪醴酒。曳裾侯邸歲年過。

奉和林祭酒韻

漢家曾值委裘年。猶說山河百二堅。富貴辟陽從古有。聲名陸賈至今傳。難來何賴群公力。策發誰推諸呂權。自是詩書非馬上。囊中寶劍似龍淵。

寄別野撫謙詞兄西上時藩老臺有津南溫泉之行蓋其扈從之云

翩翩行色映江濱。謂是東方老使君。路入三河如就

國峯回千騎。摠望雲遙。知神女驪山勝。忽教故人馬首分。海驛原通池鯉鮒。別來尺素數相聞。

送邊子固之峽中

此去儒冠氣象雄。百盤峽路限關東。欲移絳帳褰晴雪。故束縹緗凌朔風。自古封疆誇富士。于今教授得文翁。能容弟子皆揚馬。不但山川似蜀中。

物子既稱祿隱。其居尚近市喧也。遂移牛門。

因值新正作此

潘中今日定何如。蓬髮急梳驚歲除。符換先生閉戶後。栢浮弟子尚存餘唯歌白雲上供高枕。寧惜青春照

曳裾。自為干西多種竹牛門。似是馬曹居。

田子奉使龍華。送悅上人西歸。因憶往歲偕游

峽中。則不勝悽然也。乃聆其沿富川瞰滄海。則

又不勝壯觀之羨也。賦贈二律

藩國輶車問化城。憐君重此賦西征。秋侵潘鬢清霜映。路過佛巔白日平。為是龍華從地湧。曾看猿棧架空橫。今來莫謂殊寥絕。到處青山舊識名。

憶昔兜巖攜手登。此行去住兩難勝。夢中嘯咏猶相伴。別後攔干獨自憑。使節一星過富士。仙槎八月送高僧。更逢東海濤如雪。吾羨松乘在廣陵。

峴希沾上舍懷詩來見次韻自述聊以奉示
 柴門深映綠楊烟。伏枕偏憐偃蹇賢。何物白雲晨自
 媚。誰家芳草夢相牽。詩來南國元難和。書在名山未
 肯傳。總是千秋君不信。莫如裘馬樂青年。

新年偶作

牛門物色動新年。病客高齋轉傲然。御氣潛通城北
 地。雄風迥接海東天。歌來白雪銜杯後。聽罷黃鶯伏
 枕前。無限衣冠紛躍馬。誰知此處歲星懸。

再用前韻酬古禪師見和

人言靈鷲似新芽。夜半衣珠忽炯然。梵唄有風來下

界。芬陀不雨望諸天。因看往氣高方外。知說妙音超
 劫前。况是文殊時問訊。維摩室裡望相懸。

次韻卓尊者新年作

跌坐道場疑沃州。赤霞曉起講堂頭。梵鐘唄鼓駢闐
 動。僧臘世年刹那流。如是東風觀法界。爾時春色遍
 閩洲。似聞說偈天華墜。我欲相從初地游。

春臺望

攜手風烟百尺臺。關中極目鬱葱哉。八州綺錯雄都
 列。萬艘萍浮大海來。深翰春雲多點綴。銜杯落日且
 徘徊。登高作賦才非易。共指芙蓉雪色開。

戲咏無題

齊宮宴散拾遺筵。一石于髡醉不迷。却扇誰知迎曼
睩。傳觴曾記送柔荑。丹鳳彷彿琴心亂。青雀間關錦
字題。悵望春雲何處覓。瑤池只在畫欄西。

子規啼

春城三月百花飛。春女聞鶯泣織機。正爾懷人難得
夢。錯來勸妾不如歸。楚雲暮靄關山遠。秦塞渺茫音
字稀。何計倩君千里去。狂夫長戍在金微。

擬夏日侍宴

甘泉宮闕映菲微。此地人寰六月非。紫氣晨移天子

坐。白雲晝濕侍臣衣。得無縹酒來仙掌。恰有薰風應
舜徽。怕是郢才陪御宴。忽漫歌雪遶筵飛。

次韻琴鶴君侯對筑波山吹笙

筑波形勝擁雄州。太守風流絕匹儔。拄笏名山來案
上。吹笙落日照樓頭。寧無青樹浮薺小。應有白雲歸
岫幽。人道神仙難可到。看君燕暇與誰游。

賦得白雲抱幽石

遙指晴雲一片浮。青松白石山之幽。疑從漢武封中
起。却繞秦皇蹕處留。照影分明玉女鏡。類衣縹緲仙
人舟。祇應無意行朝雨。點綴偏依蘿薜秋。

夾池竹二首

脩竹團欒氣色開。梁王亭榭夾池隈。舞波翠袖來娃
館。奏水朱絃連吹臺。移棹琅玕皆繚亂。洗盃琥珀暫
裴回。更看風渚紛纖月。好借相如賦雪才。

帝子園林脩竹多。踈篁密篠夾池波。月明瑤籟琤琤
起。夜靜樓船絃管過。蔭就龍枝浮鯁鯉。喋殘鳳實戲
鴛鴦。當時賓客皆才子。知是風流淇上歌。

六義園陪國子先生作

郊園久輟五侯珂。忽拉儒宗復此過。泉石猶餘經濟
大詠歌。應發性靈多。五岳從孔孟論山水。人道臯夔在

薜蘿。總是德星今再聚。願留照映被巖阿。

席上又作一律兼簡長少二公

屈指春風又一年。息車花外趁芳烟。舊題雨洗莓苔
出。新咏雲停巖壑妍。段使幽莊侔綠野。寧將奇石鬪
平泉。祇緣玉樹雙相映。到處依佈似洞天。

又奉和國子先生

三鳳歲羝毛羽齊。俯窺園樹萬章低。長鳴忽聳諸侯
席。麗藻應傳學士堤。似愛湖邊青竹色。且憐檻外白
雲棲。須臾並擊春風翮。餘彩繽紛花滿蹊。

奉和林長公

行役集 卷之三
園抱青山山夾泉。追陪終日聽潺湲。共看綵筆搖春色。總惜華鑣散暮烟。垂柳鳴禽臨席送。曲磴幽徑度雲連。君歸試道神仙宅。南去都城尺五天。

奉和林少公

府公亭館映湖橋。湖上峰巒此奉招。芳渚春雲開綺席。清波落日照高標。停杯竹色憐醪盡。曳履花陰忘路遙。最憶仙郎題字處。風前濯濯綠楊條。

國子先生席上作應命同和

我公此地創仙莊。光寵嘗欺書錦堂。憶得張筵享織女。從來鑿沼象天潢。紅泉隱映千章樹。綺館灑迤十

里岡。何似風流林祭酒。一游勝跡詠無疆。

歲初脩憲廟遺事有感

茫茫世事泣新正。憶昔金門奏賦名。一自蒼梧雲不返。二者茂苑草還生。後王禮樂多因革。前代公卿尚縱橫。誰似素臣無爵祿。猶堪修史擬丘明。

秋日蓮光精舍次卓尊者韻

叢林此處毗尼寬。琴酒乘秋逐所歡。落日金人毛髮動。微風寶界色相寒。自緣消渴貪甘露。却為清涼廢素紈。支遁偏憐踈放客。科頭且得卧相看。

永慶君侯輓詞二首

忽披蘿薜哭臯夔。盛代遭逢彼一時。魚木終從冥契合。風雲轉入世情悲。御題嘉樹看搖落。行殿歌

臺已變衰。只有名山封境內。依稀舊府蓮花姿。侯所居莊

有仙洞題咏第中行殿久從毀。折封境富士山似八葉蓮花。

公曰子房吾所儔。遽然遂從赤松游。人疑定策秦遺

老。天授封留漢列侯。綠鬢辭來纔七歲。素書編就只

千秋。不忘家世為韓相。西軫銘旌尚首丘。侯武田名族嘗嘸慕

留侯註素書遺命葬于甲州

石渠天祿煥經綸。憶昔文章漢代新。侍講侯猶稱弟

子承。恩余亦謝陪臣。飄蕭星散西園客。鬢髮風流

東閣身。俄聽舊時龍逝去。白雲重泣鼎湖春。憲馬御講侯

在弟子班臣等亦陪筵拜賜侯之即世實在國忌七周也

歲暮蓮光寺集


城北琳宮鬱岿峨。乘晴殘臘此相過。人間歲月崢嶸

盡。方外雲烟徙倚多。貧借衣珠堪掩映。狂憑米汁轉

婆娑。總緣華髮悲遲暮。寧待祇林花滿柯。

徂徠集

卷之三



徂徠集卷之三

